



08423

補瓢存稿卷三目錄

古今體詩

方正學祠

于忠肅墓

枕上聞雨

張嘉有孝廉携得焦山瘞鶴銘見貽

再題訥生印湏圖小照

蕉亭書至述洞庭之遊甚快用前韻却寄

補瓢存稿

卷三目錄

一

南蔭書屋

竈山神女廟和周欽萊

沈井南同學生子索詩走筆奉賀

賈孝姑

雪後訥生枉顧小飲即席成詠

枕上作

喜雪

積雪

人日即事



家東籬兄八十壽燕詩 三首

松風水月軒題壁

蘄王墓下作 二首

山居閒述 二首

放言

寒食舟至席邱 二首

松月窓

白牡丹

補瓢存稿 卷三目錄

二

南蔭書屋

塔影園送陳元一貢士入都

王九錫殉母詩

遊天平山

明宣宗春江捕魚圖

題畫龍二圖 二首

題內人照 三首

五日喜雨

五十述懷六首

經項宮詹廢園

蝶化

周忠介公祠

五人墓

八月十五夜添籌閣對月

夢作大魚骨歌成起二韻醒後因足成之

并序

十月六日塔影園雅集分韻得誰字二首

補瓢存稿

卷三目錄

三

南蔭書屋

冬日

歲暮雜題三十首選十一

王節婦

自西涇循陸家渚登小宴嶺二首

聞蕉亭已往會稽

題沈師峯太史黔山秋霽圖卷

分賦得茶塢山為畢丈鮓亭八十壽

入山偶成

題趙承旨畫 二首

趙忠毅公鐵如意歌

再賦鐵如意歌

初夏入山

題馬湘蘭爲王百谷畫蘭

客去

南雲篇

以下三章俱爲桑節婦作

涎形捺

補瓢存稿

卷三目錄

四

南蔭書日屋

製衣詞

補瓢存稿卷三

長洲沈歸愚先生鑒定

雲東韓 騏其武氏著

男 校字

是鍵裕生

姪 編次

是升東生

方正學祠

南朝文弱北藩雄靖難誰成席捲功失計九原

悲太祖甘心十族殉孤忠荒祠木末千年祀豐

補瓢存稿 卷三 一 南蔭書屋

草昌平異代宮四字殺身終鐵案更無人說是

周公

于忠肅墓

身首雖殊社稷安孤臣祠墓肅巖巖事懲宋代

和戎失勢欲郤王避位難少保自知終不免武

功何苦忽相殘此心但得高皇鑒功罪分明聽

史官

枕上聞雨

時兩月不雨

老圃寒蔬短高原晚稻留喜聞經夕雨真見十分秋色潤林楓艷香滋砌菊幽明朝有來客茶話亦綢繆

張嘉有孝廉携得焦山瘞鶴銘見貽

秋老還家客年深瘞鶴銘贈人饒古色綠壁走江聲辨字龍蛇斷搜竒篆隸輕因君重靈蹟真逸本無名

再題訥生印湏圖小照

補瓢存稿

卷三

二

南蔭書屋

江天漾空濶獨立渺含愁葭莢迴風晚芙蓉隔水秋所思仍遠道欲濟且無舟莫便吟匏葉終期古渡頭

蕉亭書至述洞庭之遊甚快用前韻却寄

十幅蒲帆一葉船平生蹤跡水仙緣名山志裏無塵壤豪士胸中有洞天橘社曉霞明巖實楓崖寒瀑噴紅泉快遊便作驕人想萬頃風濤落寸箋

龜山神女廟和周欽萊

拂水靈風盪晚霞懸崖祠屋俯晴沙雨墻苔繡

唐賢墨霧鬢香穠晉代花天暖蜃宮朝水魅

冬天

晴暖則湖中之龜俱集岩下俗謂晒衣浪高漁戶祝神鴉洛川翠

羽湘江佩幾度招遊赴館娃

沈井南同學生子索詩走筆奉賀

井南村中風日嘉霜林十月開奇葩三間老屋

煥春彩一門喜氣騰朝霞井南村人吾好友白

補瓢存稿

卷三

三

南蔭書屋

首窮經奉慈母老妻厨下給饗殮少婦堂前執

箕帚年過五十初舉雄清晨走筆來城東一天

好事報知已發函大笑驚兒童人生有子萬事

足富貴榮華殊碌碌誰家簪笏千年留何處田

園百代續井南四壁常蕭然朝齏暮鹽棲一甕

無兒則悲有則喜巾箱之業湏人傳懸知此日

邨邊路紫菊黃柑亭親故扁舟未即試啼聲弄

璋詩亦無從誤護堂強飯八十春長齋繡佛娛

天倫含飴故亦饒孫弄長子生孫發興新尔我  
蹉跎竟如此縱有微長何足齒鄰前吾列兩兒  
郎後代交遊從此始老夫一語祝平生祿位何  
如德業成但願聰明飽經史絕勝愚魯到公卿

賈孝姑

緹縈曹娥兩女子千古男兒合羞死世人輕女  
重生男亦未平心究終始目前又有賈孝姑父  
沒身殉何為乎在家從父豈必死為子死孝良

補瓢存稿

卷三

四

南蔭書屋

非誣至性難回性激烈一幅生綃腸百結泉路  
相逢涕滿衣猶帶生前割肱血緹縈沒入贖父  
刑父身既活女亦生曹娥父弱哀怒并奮身欲  
與蛟龍爭抱屍出水繇精誠孝姑不殉二女名  
各行其義孝乃成聞孝姑風感且泣頑者應廉  
懦應立何人不識閔與曾寧自過情母不及

雪後訥生枉過小飲即席成詠

雪霽寒逾甚良朋踏凍過坐分晨旭暖飲愛臘

醅和水溜斜懸瓦風禽竄戀柯醉來還拊戰乘  
興一高歌

枕上作

宿酒帶微醒孤鐙理殘夢故人千里隔彷彿江  
干送愁顏落日橫別恨征帆動依然哭失聲覺  
後有餘痛遠浦雞一鳴霜衾曉寒重

喜雪

大淮南北盡洪流轉慶吾鄉獨有秋民俗漸因  
補瓢存稿

卷三

五

南蔭書屋

珠桂儉 帝心端為窟巢憂酒醒半夜聞摧竹  
寒透重帷戀敝裘屈指三年逢瑞雪曉來乘興

一登樓

自庚申冬至  
今始一遇雪

積雪

江山無色遠漫漫直北風高凍自乾村靜忽嫌  
人履破林深終惜鳥飛殘羶吞北海悲茄咽路  
隔藍關曉騎寒千古銷魂盡豪傑却輸茅屋等

閑看

人日即事

門掩東風睡起時  
檐聲不斷曉光遲  
燒痕漸轉春郊綠  
凍蕊仍含鵬月枝  
新歲已沾新雨澤  
故人何處故鄉思  
草堂寂寞逢人日  
却喜東陵富

酒卮

是日赴東來堂酌

家東籬兄八十壽讌詩

吾宗富文德奕葉官春卿  
於維尚書公有子超世英  
南宮擢高第中秘騰華聲  
拂衣早歸來內補瓢存稿

卷三

六

南蔭書屋

重外實輕再出仍復處  
名位屬後生即今臻大耋  
慮淡神益清無慾靜乃壽  
至理特易明脫身謝軒冕  
何處非蓬瀛

譜系四百年八十人罕覯  
惟昔通議祖賓筵列五豆  
次惟雷州公吾父繼其後  
吾父八十二又祝吾兄壽  
從知家運昌二老多福祐  
理精言輒符道合情轉厚  
騏也為子弟言行資法守  
所望無窮期百歲如旦晷

春風敞華筵合樂讌同族豈無簪裾客而此情  
義屬尊卑各就列環坐無拘束要惟愛敬深何  
必禮儀熟燦然陳有核一觴奏一曲金吾正舒  
禁不醉歸毋速寒深爐可圍漏永燭更續容知  
門外雪滿地積瓊玉

松風水月軒題壁

水色花光共杳冥坐依雲岫四圍青欄前幾陣  
香風度穩送漁帆入洞庭

補瓢存稿

卷三

七

南蔭書屋

蘄王墓下作

十丈豐碑勒舊勞琴臺松翠落寒濤金山戰鼓  
西湖騎得失功名付野蒿

自離兵柄默無言三字能鳴岳氏冤解是清涼  
全首領九原遺恨失中原

山居閒述

尋春從繫木蘭舟坐卧煙霞在一樓還我舊題  
同趙壁借來名畫勝荊州

張子聲遠記余三十  
年前壽問水上人詩

錄出歸余又承潘子三英許借  
宋少司馬山水懸壁間故云 日移松影臨窓

靜風遍梅花落澗幽無限好山都在目杖藜何  
處不神遊

山居清興浩無涯不是吾廬獨有花客至共探  
鄰圃樹詩成還醉故人家趁香溪鳥晴呼侶引  
睡山蜂暖放衙料得明朝天氣好西軒斜日半  
湖霞

放言

補瓢存稿

卷三

八

南蔭書屋

有聲端的兆無聲尚論須從月旦評今日騷壇  
多宿將 本朝詩派說新城中天韶濩誰橫槩  
萬古江河且濯纓但把性靈鎔載籍別裁雅鄭  
自分明

寒食舟至庠邱

望齊西路接金閭淡沲輕陰覆女墻微暖自宜  
寒食節薄棉初試暮春衰晴波綠染幽禽羽野  
店紅分小樹香倚棹山塘日剛午酒旗風急亂

垂楊

沿隄草木嫩抽芽，艷李夭桃半著花。山後坐迎

松閣雨澗邊，留試竹鑪茶。撐空玉樹翻春露，山後

玉蘭正盛隔水紅裙蕩晚霞。一日陰晴互遊賞，老懷

差不負韶華。

松月窓

春雲愁暎曉窓低，松久無枝月影悽。燕子不來尋舊壘，東風吹落去年泥。

補瓢存稿

卷三

九

南陰書屋

白牡丹

金粉難施玉有神，綠珠猶恨浣輕塵。色香境裏空明相，富貴叢中潔淨身。入座曉光疑帶雪，倚欄華月解留春。箋題莫惜紅粧妬，十二瑤臺貯太真。

塔影園送陳元一貢士入都

餞飲園林晚，君來獨後時。自嫌分手易，轉愛把杯遲。水月流虛檻，風花胥故枝。何須京洛夢，筵

罷即相思

王九錫殉母詩

範俗留真性，頽風激過情。病軀嗟失恃，慟哭竟捐生。痛甚翳桑餓，魂依穎谷羹。小人知有母，身死不求名。

遊天平山

石林攢高空，突出羣峯上。天晴翠猶滴，地蹶勢弥廣。初登履仍坦，漸入軀乃仰。崎嶇未及半，結補瓢存稿。

卷三

十

南蔭書屋

搆喜宏敞，名泉淪新。筵道味滌塵，想小憇興復。鼓窮探力，非強側身。崖縫狹繞磴，砂磧枉攀虞。徑失足，儂怯石。鞿顙谷邃，颺迴涼岩。虛日穿朗，巢雲秘精。廬岐路錯分壤，石屋辨大小。磨崖認題榜，中惟蓮華洞。雄作諸天長，淨宇懸層巖。傑閣會萬象，窓綠接平野。林磬協衆響，鶯聲遞遙嶺。花氣襲灌莽，時逢茶果娛。遍歷雲壑賞，回思此地遊。尚自童年昉，濟勝還蠟屐。陟險竟扶杖。

兒曹氣方銳騰躍窮所往盛年難久居壯志安  
足仗身已隨山高樂亦偕衆享無謂此老衰凌  
風一鼓掌

明宣宗春江捕魚圖

太平天子神靈手遊戲丹青撫九有空濛數筆  
發真機妙與乾坤握樞紐東苑茅茨方宴嬉乘  
興忽與滄洲期勳華翰墨千官賞几席風煙萬  
里移至今尺素搖光彩元氣淋漓三百載漁人  
補歌存稿

卷三

十一

南蔭書屋

拋網立船頭隱約雲山朝暮改化工本是無心  
造形色難求態惟肖放眼如聞撥棹歌擲空恍  
睹驚鱗跳一樣風流擅九重宣和花鳥疊兵戎  
扁舟蓑笠煙江上人在春波浩蕩中

題畫龍二圖

其一雲中飛騰  
其一山岡蟠卧

生綃一尺天萬里潑墨作雲雲陣起中庭日色  
慘無光滿屋風雷辟將毀雲中神龍乍啟蟄爪  
鬣飛空勢難戢掉尾頻驚山岳搖垂鬚忽覩江

湖立四座觀者疑真龍誰知筆墨成化工天生  
靈物潤枯槁變幻不與蛟螭同即今繪此飛騰  
狀頭角崢嶸氣道壯世際文明用乃奇功成霖  
雨神尤王百歲風狂利見遲誰憑尺護較雄雌  
畫圖不是池中物四海蒼生被澤時

霹靂收聲電光攝四郊雨足農歌洽神龍小憇  
海上山萬里晴空矚銀甲從來畫龍不畫全見  
首匿尾雲中天不然戲水波瀾翻揔以斷續生  
補瓢存稿

卷三

三

南蔭書屋

迴旋而此何爲體全露爪鬣紛披首回顧抱珠  
不向淵底眠潛鱗且作岡邊卧吾知畫師意有  
繇功成何必歸靈湫大人首出善庶物身退亦  
與羣生遊此龍豈是耽清晏一身直與民同患  
藏頭露尾何必然要令天下常相見

題內人照

展圖憶前事廿載如夢中盛顏曾幾何衰鬢忽  
已逢因君鑑我形我亦成老翁兒女不會意祇

論繪事工笑指畫中人宛是阿母容阿母亦微笑似識吾隱衷無論後來面且喜今時同

卓犖君家翁誦讀稱名儒雖非金紫貴令聞揚石渠尔性亦恬雅詩禮拾唾餘尔身若為男定能讀父書即今章婦順良由家法殊勤慎奉高堂劬勞育諸雛中外皆曰賢吾意常晏如

嗟余老農圃累汝無能為蕭然荆布身珠翠諒

不宜丹青假尔顏彷彿瑤池湄照寫王母明璫獻壽圖

補歌存稿 卷三 十三 南蔭書屋

與玉珮蕭穆生光儀湏知超世心不炫人間奇水飲瓊液甘蔬食麟脯肥百歲相獻酬願言壽無期

五日喜雨

農夫插秧望甘澤黃梅細雨如輕埃有如飢人覓飽飯覓羹那得枯腸回夏至五日日重五曉光未吐燈留煤卧聞急雨瀉簷瀑排山倒海聲喧唼牀牀屋漏不可睡乳婦移席驚穉孩男紛

女擾天忽曙徹戶四顧心疑猜瓦溝衝階玉虬  
舞庭隅躍浪銀河開昆陽戰酣屋皆震錢塘潮  
奔山欲摧自寅及午猶未足將哀忽盛勢起伏  
雨師當權何縱恣恣與羣龍戲相逐雷公屏息  
電母藏傾盡天瓢不為殘窈窕龍舟競渡難草  
草蒲觴撤筵速湏知此雨非徒然千倉萬箱來  
自天一年生計一朝備垣頽屋倒歡無邊去年  
歲豐穀價湧有司無策徵輸指胥吏剝民橫索  
補瓢存稿

卷三

十四

南蔭書屋

錢富則受困貧可憐荒亂不作民倒懸所幸造  
物拯顛連及時之雨恩不偏五穀時熟百貨填  
穀價諒不同前年明日扁舟泛水煙飽聽四野  
農歌傳

五十述懷六首

萬物各有生一物迺爲我荏苒五十年自顧無  
一可親朋賀生辰薄筵具有果略分賓主儀安  
用禮節瑣觴詠時未闌急雨猛然隨且復留湏

與欲去已無那綠醕味餘甘紅葵玩殘朶馬齒  
何足言勿與天行左

托身儒門舊言行俱無聞斯亦不足畏宣聖曾  
有云父兄仍謂予力學當自勤五十知昨非前  
脩有明文日昃不再中揚光未夕曛終期賈餘  
勇庶用張吾軍無為嘆哀暮委身同浮雲殷勤  
謝父兄此語良可許尊中酒猶暖聊復滋微醺  
三十方舉雄今年發孫枝手弄膝上孩身作階  
補瓢存稿

卷三

五

南蔭書屋

前兒四世共一堂兩世同舍飴人言此境佳我  
亦樂且嬉恭進嚴父觴忽然念母慈違養廿四  
周墓木已合圍庭萱倘常茂樂事尤無虧慎毋  
傷父心有淚且莫揮

少年慕飛騰垂老困鄉邑豈無功名念端為才  
不及豈惟才不及先務有所急仰事與俯育般  
般一身集緬懷先世澤門祚亦難立一趨榮利  
途家累疇能輯寧辭霄鳳翔甘就泥鰻蟄高尚

非所期怡情在篇什

予生鮮兄弟羣從時相親同懷姊妹三四體併  
一身中途各分飛所適皆士人伯姊壻多才白  
首甘風塵姊老甥復穉門戶殊艱辛附書促歸  
期路杳語莫伸士惟各有志吾意終難陳

交遊富文詞贈言辱盈卷辟好同嗜痴取長略  
我短儼人不于倫展誦顏益覲空疎文字病朴  
陋世緣蹇惟茲坦白懷雖老或可勉倘逢山水  
補歌存稿 卷三 六 南陰書屋  
期此興良不淺兒女四五人婚嫁特未免屈指  
更數年事了情亦遣春秋賦佳日花月供清宴  
平生數知己文酒日繾綣

經項宮詹廢園

徐墨川舊圃項氏因而增築之

林巒莽榛蕪陂池沒新漲巍巍宮詹園行人過  
惆悵勝國隆儒臣金貝從物望冠以東朝銜居  
然蹠儲相布置因前模粉藻愜心匠難窮歌舞  
娛罔測花鳥狀不幸罹世厄失足誤所向國破

家何依身名兩凋喪想當誦讀時亦能籌伯王  
事至不復持空言安足仗公卿羅第宅誰能久  
無恙功名與氣節卓為世景仰賢愚同百年不  
朽亦相况流連景物餘藉尔作懲創欲保明哲  
身反遜匹夫諒許琰故寒儒詎識遊觀壯

蝶化

元化陶萬類生滅形質俱非生亦非滅幻質來  
遽遽豈伊真腐盡直與飛昇如旋開花間翅復  
補瓢存稿

卷三

十七

南蔭書屋

展風中鬚食葉向自得吸露今堪娛真同再生  
悟亦類夢覺初所嗟金粉態不記蠕動軀一生  
逢兩運瞬息忘故吾回頭驗遺蛻形色誰有無  
周忠介公祠

楊左同冤痛益深百年遺事感東林貂璫勢欲  
移神器犴狴屍憐裹血襟正論已摧三案獄義  
風終結五人心祠堂咫尺靈胥廟落日江濤怒  
氣沉

五人墓

英風颭颭繞廻塘青塚纍纍俠骨香一擊自同  
椎博浪百身何異痛三良頭顱敢為忠臣惜販  
負能增黨籍光變例春秋墓前碣先人特筆凜  
嚴霜崇禎初逆案既定吳人共毀逆祠即其地  
葬五人遺骸先大父年未弱冠以書名吳  
下吳因之先生致書曾大父曰異事必得異人  
題碣乃稱大父承命大書五人之墓四字勒石  
墓前意閣部大臣屈膝閣寺稱子稱孫人道滅  
矣書曰人予之也所以媿天下之不為人者也

八月十五夜添籌閣對月

補瓢存稿

卷三

六

南陰書屋

小園自建添籌閣今歲中秋月寂明雲氣掃空  
天萬里露華寒透夜三更水邊燈散玲瓏影林  
外歌傳斷續聲惆悵百年當此夕一杯同賞不  
同情

夢作大魚骨歌成起二韻醒後因足成之

并序

裴支庵學博存日有大魚骨一段形如  
磨石蓋脊骨也支庵沒十餘年所居不

守骨亦不知安在余意且忘之矣今九月二十八日從東皋隱醉歸而卧夢與同席諸公分韻作歌余得九青即成起四語云云合座賞歎余亦自負得意拍手大笑遂醒時漏下四鼓因念生平所見之物豈止此骨何故忽然入夢豈朽骨有靈必得拙筆一賦耶足成此詩良不負此佳夢也

補歌存稿

卷三

九

南蔭書屋

一節枯骨大合抱中虛外滑光瓏玲鱗鬣脫落  
皮肉盡餘臭尚挾風濤腥苔侵虫剝釀古意江  
雲海霧生晝冥魚山古鼎缺一耳太學石鼓頑  
同形得非莊鯤奮北溟遺蛇散亂投林坳或是  
昌黎文有靈上帝震怒遣六丁亟除兇暴戮巨  
鱷拋擲骸骨申常刑吞舟之說疑不經今見此  
骨吾夢醒屈子忠負讒李白才見傾定然飽汝  
無饜腹千秋萬歲目不瞑何來作清玩移置幽

人庭醉月供坐客插花資建瓴江河夢遠不可  
歸却恐夜深鬼物憑藉生光精

十月六日塔影園雅集分韻得誰字

雲巖木落景偏竒瘦石峻增殿閣危勝友園林  
堪作客名山村屨合招誰水涵虛檻分斜照天  
引浮圖落遠陂晝短興長看不足一杯勞我坐  
頻移

主竟何人客復誰賞心同與此園期半栽梧竹  
補瓢存稿

卷三

二

南蔭書屋

承清閱略布林巒擬大癡雲度石梁魚避影花  
藏巖洞鳥窺枝快遊一息真千古三徑羊求托  
後知

冬日

冬日不生暖北風勢轉道懶踈吟社侶寒戀酒  
家樓老樹枯仍響荒江凍不流因思遠遊子冰  
雪冒重裘

歲暮雜題三十首

選十一

冰雪衡門萬象融百年歡樂事方中歲寒景物  
資三友家世文章送五窮四代祖孫虔膺祭一  
家兒女繪幽風書生白首無他業檢點詩囊報  
歲功

杜門寧與世相違但與羣生共息機鼓腹不求  
彭澤米禦寒還著老萊衣過溪山色分遙翠入  
座松陰漏夕暉今夜北風吹較暖朝來湏上釣  
魚磯

補瓢存稿

卷三

三

南蔭書屋

極目荒原野燎枯雨餘旋訝雪花鋪蹇驢橋外  
尋詩客獨棹江心把釣圖風過竹籬宵吠犬月  
明村樹曉啼烏老夫不作長安卧窹歷空山興  
趣孤

瓦溝如粉疊檐隈一抹林光霽色開客至不嫌  
重把盞酒酣聊與共登臺池水遇日銷還結鴉  
陣當風去復來坐定芋香衝鼻起擁爐因撥未  
寒灰

城市風光逼歲新，牲牢難乞是錢神。故侯家坐  
徵租吏，選佛場留避債人。葛帔已荒名士業，綈  
袍疇恤故交貧。悠然一覺蒲團上，消盡西風十  
丈塵。

梅花泉潔黃清芬，南海名香古鼎焚。煖室護蘭  
馨，吐玉晴窓烘硯墨。蒸雲書債客債期，冬盡文  
課兒功到夜分。一事絕無忙不了，那輸麟閣建  
殊勛。

補瓢存稿

卷三

三

南蔭書屋

寒松一樹走驚濤，擁被吟成日漸高。情至自應  
歸正覺，怨平方許讀離騷。門無俗客何妨學，  
不逢時敢憚勞。鄰巷故人翻惜別，滿林風雪想  
揮毫。

未聞東海水迴波，誰見霜林葉返柯。時憶少年  
曾有幾，月逢餘閏不為多。平生快事鈞天夢，盛  
世元音擊壤歌。碌碌向來成底事，及時行樂已  
蹉跎。

臘盡春田歲欲更家家經塾散諸生束書已似  
官封篆得脯還如祿代耕貧憶北門詩思苦寒  
憐東郭履聲清湏知當日文章伯曾共將軍下  
蔡城

數杵殘鐘月滿林短檠明滅夜將深讀書要取  
詞兼義論世須從古證今凍合關河堅地軸霜  
欺松柏見天心此時愁煞閒桃李憔悴荒園冷  
不禁

補歌存稿

卷三

三

南蔭書屋

蕭蕭庭院傍層巖間裏荒蕪日就芟寒退欲裁  
新短褐雪消宜試舊長鏡竒峰插樹工難畫幽  
洞藏雲景隔凡一月杜門詩半卷東風催掛五  
湖帆

王節婦

皇鼎昔初奠狗盜猶縱橫具區萑苻澤白晝弄  
甲兵松陵當其衝劫掠尤橫行殺人沉其屍竟  
鋒復誰櫻哀哉王節婦夫死寃難鳴血潤蛟鼉

喉肉委魚鼈爭深閨誓皎日不與賊共生齒指  
滴殘膏裂帛申下情痛陳司寇律淚濕軍門旌  
懸金購餘黨布謀護主名孤鴻哀不已羣虎穴  
自傾風濤三萬頃一鼓清鯢鯨寧同泰山婦怨  
毒惟吞聲何慚杞梁妻慟哭摧堅城大仇賴以  
復苦節亦自貞歷今百年來澤國妖祲平漁帆  
曉逕渡村犬夜不驚嘉績孰所遺懷此巾幗英  
皇風扇羣動節義彰廷評有守兼有為婦道  
補瓢存稿

卷三

三

南蔭書屋

莫與京表間及祠祀卓為當世程既雪生前寃  
復予身後榮作詩告來者百行由精誠

自西涇循陸家渚登小宴嶺

浮梁越深澗飛泉出遙谷間循山下陂小憩林  
間麓叢祠香火冷古道行人獨良非作意遊一  
任無心躅舉袂拂松花清芬已盈掬

振榮登崇岡山花遍岩岫麗日照芳叢媽紅媚  
晴晝平臨具區廣俯視羣峯湊搖光蕩眉宇飛

翠納懷袖竒賞日在茲僻境世誰究試問塵埃人孰為天所厚

聞蕉亭已往會稽

春江孤棹澹容與誰向吳城念索居夢裡山川遊子興樛辰風雨故人廬蘭亭讌賞今無侶禹穴探竒或有書屈指歸期應未遠剡藤新句復何如

題沈師峯太史黔山秋霽圖卷

圖為匠門先生作

補瓢存稿

卷三

三

南蔭書屋

披圖玩林泉一室凝秋爽連峯既明秀羣樹復踈朗吾聞黔中山毒霧鬱箐莽十日艱一霽遊者戒勿往何緣畫中景不與紀傳仿籤題正分明屬意豈謬妄當年匠門翁視學赴茲壤霜操凜孤抱冰鑑愜淵賞師峯典秋試英俊入羅網眷言竹王國風俗異疇曩公餘留墨戲聊復示欽仰何必圖真形險怪錯螭蟒窮陰阻春輝高會集吾黨快觀名賢蹟弥覺胸次廣恍共秋林

遊瀟灑絕塵埃中有謫仙魂狂吟激清響

分賦得茶塢山爲畢丈蘇亭八十壽

太湖東面羣山藪疊巘重巒遍岡阜天平左顧  
即靈巖茶塢分明作樞紐六朝以來石孕金因  
金得名傳至今

一名金山

炫竒已洩造化秘毓秀亦

耐幽人尋玲瓏怪石形屢換金碧峯高插天半  
蒼藤倒絡懸崖梯飛梁陔接穿雲澗斧鑿錚錚  
聲不息太平人物資衣食龍門方訝巨靈開劔

補瓢存稿

卷三

三

南蔭書屋

閣旋驚五丁力文殊院廢不可遊普賢寺古差  
堪留一林松竹覆清沼摩掌斷碣懷千秋吾聞  
地不愛其寶劓金剖玉隨人求取材既富患亦  
溥損已利物何怨尤隄防捍海患永絕廟堂作  
柱功誠優人生患在私所有爲山惋惜真庸流  
不聞端溪產紫玉潤色鴻業供雕鏤即今採鑿  
事未已用無巨細理則侔丈人善世功難况八  
十康強壽無量綠鬢方腫歷劫存泰山若礪神

猶王他時杖屨倘經過莫為滄桑費惆悵

入山偶成

今年真負此巖居又阻春寒數日餘三月湖山  
遲客久五更風雨落梅初香飄石磴沾衣淨茶  
沸松窓結翠虛珎重碧苔鋪滿徑更無人到不  
須除

題趙承旨畫

雕鞍初脫卧平沙想為天閑貌玉花太息朔風  
補瓢存稿

卷三

三

南蔭書屋

吹白雁舊時龍種屬誰家

馬畫

花花葉葉意交融露側風歌自化工誰道遺民

作心史也將餘墨寫幽叢

蘭畫

趙忠毅公鐵如意歌

明冢宰  
諱南星

妖蟊障日天地閉代州戍卒性蘊桂手中剛鐵  
尺二長得共朱雲劍爭利額圖星斗弓背彎羅  
紋細感銀花斑銘詞竒崛篆文古彷彿鑄鼎昭  
神姦百餘年來親手澤古今義憤通呼吸想當

邊城起舞時，魑魅潛形鬼神泣。千秋正氣一物存，光騰斗室無朝昏。指揮欲落崔魏膽，把玩許招楊左魂。嗚呼明社久已屋，一器森芒奪人目。風前還弔宋遺民，擊將如意西臺哭。

### 再賦鐵如意歌

見泉真無子廣微，忽有父

廣微父事逆閻忠毅公以見泉無子一語

觸怒廣微必欲置之死地

忠毅平生百鍊鋼，城狐社鼠羣相

侮。一朝銜命投荒徼，夜夜精魂纏九廟。公乎不

補歌存稿

卷三

天

南蔭書屋

作模稜人匠心，鑄鐵違時調洪鑪。爍炭騰離明浩氣，鼓橐風雷驚功成。千鍾復萬鎔，五雲額覆蒼龍形。胷中事事不如意，君側何年清醜類。摩挲如意三嘆息，滿腔熱血惟爾寄。悲來舞中袞，笳節舞罷影和邊。月墜已知鋒鏑無所施，猶信堅剛不相棄。我生百年後，不復見我公。持公手中器，夢與公靈通。白金鏤花籀篆工，模糊點畫石鼓同。苔痕繡澀血漬紅，揮霍萬里來英風。

初夏入山

斜陽孤棹泊雲根萬頃湖波綠到門夜雨欲留

蝴蝶夢曉風旋醒杜鵑魂二花正盛閒來空翠沾吟

筆春去殘香戀酒尊浩蕩白鷗情轉切舊盟今

日與重溫

題馬湘蘭為王百谷畫蘭

秦淮水色通江綠教伎樓頭沸絲竹春風領袖

豈湘蘭生小幽懷託空谷吳門才子丞相賓風

補歌存稿 卷三 元 南蔭書屋

流本是同心人紅粧不但煙花主白首終期翰

墨親剡溪雲染湘江佩葉剪蕭疎花向背亭亭

脩竹倚孤叢投贈分明兩相配尊生王氏齋名玩好

誠難偶錦軸牙籤間敦貞珍重標題作契兄題為

百谷 契兄 依稀硯席同良友二百年來供賞鑒猩紅

小記留親驗曾聞十斛買名姝豈惜千金酬素

艷長板橋南暮靄橫金閨亭館靡蕪平當年十

日酣歌舞何似香從玉腕生百谷七十誕辰相蘭備女樂張筵十

日為壽金閨  
傳為盛事

書生薄命甘同妾人世穠華揔灰

滅美人名士足千秋一幅清芬歎雙絕

書生薄  
命原同

妾百谷  
句也

### 客去

客去柴門暮景幽平湖空翠落帆收鶯花已負

三春約雞黍徒供一夕留芳樹斜陽時共惜羨

人香草句堪酬

促蕉亭畫  
蘭詩也

風光不為孤吟減澗

月松風滿石樓

補瓢存稿

卷三

三

南蔭書屋

南雲篇

以下三章俱  
為桑節婦作

白雲生山岫一出不復歸正如女有家那復親

慈幃終日倚高樓南望雲生處傷心結悅初持

踵泣相語望雲朝望雲夕白雲飄飄無定迹女

也此心終不易

### 庭形標

天生尔形相厥夫予苟延尔喘奉舅姑兮夫命

兮不祿舅姑繼殞兮天耶何酷廢食兮悲歎

平聲

